


纪晓岚全书



中国文联出版社



纪晓岚全书

主编 马松源

第十一卷

中国戏剧出版社

经世名篇

纪晓岚诗文集

纪晓岚诗文集

纪晓岚全书

折子一	(301)
折子二	(322)
表 露布 诏 疏	(336)
策问 书	(359)
铭	(376)
碑记 墓表 行状 逸事	(400)
传	(416)
墓志铭 祭文	(431)

過如秋草萎難盡

學似春冰積不高

河間紀略

紀曉嵐墨迹

御览诗一

恭和御制雨原韵

甘泽欣沾沃，清和及上旬。流云低凤阙，细雨暮龙津。
烟缕荷珠俨似真。缓随银漏箭，急讶水车轮。芳润宜初夏，
寒接晚春。山禽催麦熟，试听弄晴频。

恭和御制固尔札庙火用韩愈陆浑山 火和皇甫湜韵并效其体原韵

山河两戒开胚浑，氏羌西阻星宿源。三十六国初并吞，
荒台犹避帝轩。汉唐而后劫且燔，每乘月满窥五原。皇帝大
德弥乾坤，梯航琛币通垠。彼昏独不欽塞垣，我师昨岁出玉
关。寒霜忽照扶桑暎，三千犀手臂如猿。驾梁俯叱鼉与鼃，
弯弧仰落云中鹄。铁山蹴碎昆弥奔，方其先世窃自尊。黄
金布给孤独园，四西勒图丑类繁。多罗贝叶梵呗喧，唱和杂
沓如簾幄。微言诂辨风与靡，局促真似虱处挥。所见不过尻
两臀，闻我师至叩我辕。焚迷迭香迎橐鞬，初如驯鹿随朱
幡。反覆忽似风中帟，帝震怒不羞其幡。赤虬遣下烟焰屯，
火鞭摧拉孟兰盆。献花不剩瓶与樽，冥冥杳杳如有言。惩尔
助逆云雨翻，业重不得邀平反。善神旁睨睨两暖，赞叹佛
力净六根。昔佛心印传法孙，俾参妙谛穷肘跟。尔胡狡黠辜



佛恩，奇鸽宁免陨厥元。菩萨千手犹难援，婆罗门技何足论。试看祝融下九闾，刹那妖庙焦土痕。焚巢实以褫汝魂，宁不自悔心烦冤。彼贰负臣今虽存，不过狼狽求盘飧。无弋那得剿女婚，大宛况非厥弟昆。枯林肯让寒鸱蹲，羽毛摧颓难飞鹑。即擒妖鸟雪众怨，安能变化如鹏鲲。不信但望西昆仑，旄头堕地光昏昏。古云不戢终自焚，片言居要无须烦，蕃维清夜心自扪。

恭和御制蕃剑行原韵

蛟龙不肯居洼塘，会乘雷电腾精芒。宝剑误落黠寇手，时来终得归尚方。忆昔潢池频盗弄，人人拟剗妖蟆肠。骨腾肉飞不可制，两臂欲挽千斤强。封狼豕黑况共穴，二竖相济如雁行。是以凭陵肆搏噬，黄支乌弋无人当。时移势易雄虺陨，殄除凶逆天之常。此剑流传不敢用，贡之天子言其详。天马东来历无皂，流沙积石道路长。睹矢既入周益盛，湛卢所去吴斯亡。开匣三尺净如水，烂然虎气辉紫闾。始知神物思利见，通灵之质不久藏。通灵之质不久藏，行见白环玉琯，入贡未渠央。

恭和御制秋日奉皇太后幸口外行围 启跸之作原韵

游豫亲承圣母欢，桂花时节半暄寒。黄云一片连长乐，遥护霓旌过北安。碌碡秋场处处逢，六军严肃不妨农。幽风一幅谁能画，雨歇烟岚泼翠浓。旌门岁岁到要荒，得兽颁禽

礼数详。看取轩辕亲教战，风云八阵总堂皇。

恭和御制怀柔县原韵

山城瞻玉舆，巡省历蓬庐。鹖髻双峰抱，龙旗两翼舒。
弹汗寻古堞，白霄召酋渠。遥感怀柔意，名王正歧予。

恭和御制遥亭行宫对雨三首原韵

行殿三更雨，郊原八月秋。风声寒乍急，云气晓初收。
野戍荒烟湿，悬崖响瀑流。洗兵知有兆，露布出边邮。

乍喜行尘净，何虞马力烦。随车如有意，洒道岂虚言。
新霁犹含润，微凉稍带暄。明朝陪豹尾，安稳上天门。

瑶窗驰远眺，珠箔卷秋烟。暝色千峰湿，寒炊万灶燃。
露华初点笔，云叶欲裁笺。应是催诗雨，廉纤送玉鞭。

恭和御制出古北口咏古原韵

翠辇临边塞，檀州有故关。南来通一线，北顾见群山。
连弩思前代，偏枪近此间。飞猱行尚怯，高鸟度应艰。苏辙
题诗出，王曾奉使还。何如今一统，秋晚成楼闲。

恭和御制至避暑山庄即事原韵

黄伞亭亭初驻跸，碧城隐隐宛游仙。寒山影里开天阙，
流水声中敞御筵。玳押珠帘旁掩映，红桥翠渚一沿缘。菊花

恰值重阳闰，好待君王大猎旋。

恭和御制晚荷原韵

天然清韵出群芳，晚放犹余冉冉香。秋露如珠莹妙相，寒塘似镜映仙装。山中桂树同留月，木末芙蓉共拒霜。岂是莲心偏耐冷，恩波只有御沟长。

恭和御制热河启蹕之作原韵

武列河头雁过时，句陈羽卫启通逵。红飘霜叶枫千树，绿绕寒澌水一涯。蹀躞花骢随日驭，玲珑芝盖散云蕤。如闻蕃落诸渠长，会猎长杨到恐迟。

恭和御制山店原韵

秋山澹沲画难成，卜筑谁人此力耕。茅屋几家藏碧树，疏篱一带露红荆。迎銮从未劳供顿，近塞何曾识战征。久在幽风图里住，庶民均有献新情。

恭和御制朝岚原韵

朝来爽气对西山，此语流传已久矣。但惊苍翠袭衣襟，谁辨烟岚何处起。岂知囊簫息相吹，月窟天根机在此。高山大泽气潜通，皇心妙契先天理。碧绿青黄皆会心，浅见乌能窥所以。侧峰横岭看茫然，小臣如入庐山里。

恭和御制都尔伯特台吉伯什阿噶什 来覲封为亲王诗以纪事原韵

慕化弟兼兄，临风欲请缨。人情知顺逆，天意鉴精诚。
斧钺谁先伏，冠裳尔最荣。传言诸部落，珍重寸心盟。

恭和御制入崖口原韵

谷量牛马自成陆，崖口群蕃迓风舆。前代何曾通捺钵，
诸侯今此会交阡。黄云白草双峰外，寒露西风九月初。岩壑
频年邀睿藻，山灵望幸亦徯予。

恭和御制雨猎原韵

秋山崑崙气佳哉，山岚蒸润山雨来。珍珠迸洒风倒卷，
弯弓依旧趁雉媒。駉駉骅骝腾不止，挟雨蛟龙差可拟。惊
弦响杂霹雳鸣，激矢燿随飞电起。斗然巧中呼声喜，雨血
风毛一弹指。旌旗虽湿步伐齐，军政从知无懈弛。文侯遇雨
罢虞人，节制焉知能若此。

恭和御制九月朔日原韵

讲武应金天，龙塞寒云迥。鲤鱼风乍来，木落空山静。
秋高边马壮，奋迅乘霜景。驰骋詎为劳，过蒙宸虑省。未从
属车尘，微怀方耿耿。

恭和御制霜原韵

风高寒露结，塞北晓霜时。昨夜丹枫醉，先期白雁知。
微微分月色，薄薄散冰丝。萧瑟秋山景，居然画里披。

恭和御制行围即事原韵

长林丰草射生来，石迳清无半点埃。冀马于今皆逸足，
燕犀自古是良材。行分鹅鹳双旌动，气逐风云万里开。圣主
临边军令肃，无讹不用更衔枚。

猎猎风声大漠秋，高原塞马力初遒。旌旗影带寒云卷，
组练光含晓日浮。霜隼盘空争搏击，天狼避箭敢迟留。中黄
奋欲摧凋虎，荷戟深岩更一搜。

云罕天弧岁岁张，儒生何用戒垂堂。诸蕃震叠星从斗，
七萃森严网在纲。蹴踏昆仑犹奋迅，鞭笞颡利只寻常。铭勋
尚薄岐阳鼓，遮莫区区侈马扬。

恭和御制九日侍皇太后宴并赐内外 王公诸臣食即席得句原韵

帐殿崔嵬晓气澄，重阳不数宴孙陵。花开松幕围黄纛，
香佩萸囊制彩绛。五色安舆云对捧，万年仙酒露新承。题糕
胜事龙沙北，自古登高到未曾。

恭和御制宴土尔扈特使臣原韵

一点绯红射野叉，天弧西指道途赊。闻风争似皮充筐，
欸塞非关马易茶。来日惟知深慕德，到时宁拟更思家。八荒
万里皆吾闕，谁道昆仑月窟遐。

恭和御制山月原韵

微风动寒林，华月生遥岑。玲珑千嶂影，弥觉空山深。
顾兔何时到，玉杵无停音。虚明涵大地，太古直至今。团圞
七宝镜，此夕澄尧襟。云车且冉冉，风驭无駸駸。湛然见万
象，爱尔当天心。

恭和御制允南省诸臣之请恭奉皇太 后再举时巡诗以述意原韵

圣虑殷勤轸下民，东南重拟翠华巡。良辰待卜春初吉，
盛典还如岁在辛。天语一时传里巷，欢心先已遍臣邻。遥知
父老扶鸠杖，翘首江干计日频。

恭和御制喜雨十首原韵

雨 阵

万叠云容变态奇，斜风吹下雨雰丽。谁鞭电毂循环转，直驾雷车次第施。悬溜如飞连臂弩，长虹敢曳竞天旗。分明节制堂堂阵，驱馭蛟龙演六师。

雨 云

阁雨流云未遽消，鱼鳞片片暮去霄。为霖沾沃弥千里，触石氤氲阅几朝。此际真看晴擘絮，昨来曾听夜鸣潮。眼前多少奇峰态，都是冲融二气调。

雨 山

山头盖影望童童，好雨飘随淡荡风。洗出云鬟真妩媚，露来石骨倍崢嶒。数峰隐约烟销外，一带苍茫水墨中。大似新磨明镜出，全收丹翠映虚空。

雨 田

雨余相唤驾楼犁，处处田家布种齐。野色时看天早暮，岸痕遥问水高低。秋成预祝农官稷，夏长方当火正黎。从此

年丰膏泽溥，朝霞便取绿蓑携。

雨 楼

四野迢迢卷幔看，琼楼百尺倚阑干。望中雨歇千门静，
高处风多六月寒。远色空濛当槛入，归云淅沥几声残。分
明面面王维画，青满峰峦绿满滩。

雨 舟

园名欢喜树无忧，赏雨还登莲叶舟。渚雁沙鸥关乐意，
幽花细草待宸游。一奁镜面和烟照，万叠靴纹拍岸流。更爱
平添新溜响，琤琮彻耳未曾休。

雨 树

绿染烟光万万枝，一番新雨起凋萎。宫槐更长青葱色，
官柳偏增袅娜姿，叶隐蝉声晴嘈嘈，根藏虫语夜伊伊。眼前
物态皆生意，想见皇心畅对时。

雨 荷

雨中花似洛神姿，罗袜凌波微步迟。烟缕冥濛垂幕处，
芳津掠漾弄珠时。沾濡不觉红衣湿，绰约仍看翠袖披。曾记
烹茶亲制赋，定知荷露胜琼飴。

雨 蝉

五月来鸣候有常，繁音更比竞笙簧。应缘时雨随神蛱，得趁凉飙化野娘。高柳藏身阴密密，疏桐流响意扬扬。闻声知是甘霖足。出穴何须卜蚁王。

雨 蚓

泥中匿迹雨中行，绕砌长吟时有声。唧唧如鸣茶鼎竅，行行恐是草书精。多缘土气能蒸润，未必花根果化生。么么微虫邀圣藻，因知蠕动亦关情。

御览诗二

恭和御制重华宫茶宴廷臣及内廷翰林用 四库全书联句复得诗二首原韵

紫霄丹地深严处，忽共群仙上太清。广乐乍闻真似梦，御香遥染不知名。谷辰喜应三阳暖，壁府原占五纬明。圣治光华和气洽，定看邛罋早销兵。

恩被槐厅雨露多，凤麟洲畔许经过。惭非旧学三冬富，空对陈编万卷罗。玉碗仙浆真添窃，琼笺连韵费研磨。于今竟似东方朔，联句无如诘屈何。

恭和御制重华宫茶宴廷宫及内廷翰林等 用天禄琳琅联句是日复成二律原韵

赓歌庆叶需云乐，煦育方逢木德仁。青鸟一声春信早，仙萸三叶岁华新。琳琅法曲听逾好，缥缈琼台画不真。自诧微臣本凡骨，金螯亦作从游人。

昨岁殊恩逮下僚，叨陪嘉宴又今朝。汗青校字多惭向，飞白工书更愧萧。新月初三悬桂影，芳辰十五近灯霄。归途两袖天香满，还听康衢父老谣。